


 BIBLIOTHECA UNIVERSITATIS WRATAVIENSIS	585499 -
	- 585500 <i>kal. komp.</i>





585599 -
-585500


|
Mag. St. Dr














Mathesis.

*Brasceii, Ioan. Epistolae ad natu-
ram arithmetarum figurarum
plenius intelligendam perti-
nentes. Crac. 1615.*

Mater N 271

EPISTOLÆ

Ad naturam ordinatarum figurarum plenius intelligendam pertinentes.



CRACOVIAE,

In Officina Andreae Petricouii S. R. M. Typographi, Anno D. 1615.

*Admodum R. D. Joanni Ryshomij
Collegi maiori Dato et Patente*

❧ ❧

IOANNES BROSCIVS CVRZE-
louiensis, Lectori S.

CVM ad Astrologiam me conferrem, LECTOR,
animaduerti in illa sine Geometria nihil perfici pos-
se. Quemadmodum enim

Pindarum quisquis studet æmulari,
Ille ceratis ope Dædalæ
Nititur pennis vitreo daturus
Nomina Ponto:

Sic etiam qui absq; Geometrie & Arithmetice perfecta
cognitione, vel tabulis quæ plurimæ circumferuntur, vel
quadrantibus sextantibus, & alijs quibusuis quamlibet af-
fabrè constructis instrumentis, velut scalis quibusdam cœ-
lum conscendere nituntur, suam imperitiam prius produnt,
quàm de hac nobilissima Philosophia parte mereantur. Et
vidimus quosdã $\epsilon\gamma\epsilon\omega\mu\epsilon\tau\ \rho\eta\tau\epsilon\varsigma$ ita in chartis exercuis-
se Astrologiam, vt vetulis & baiulis prius Eclipses Solis, quàm
tantis istius scientiæ professoribus notæ fuerint. Hæc ego
considerans, omnes in Geometria veterum & recentiorum
conatus mihi euoluendos proposui: in quibus non tantum
quid proponant, sed an verè & vniuersè proponant, con-
sidero. Occurrit quædam difficultas in nobilissimo Geome-
trarum theoremate de figuris ordinatis: eiusq; nodi solu-
tionem petiui & impetraui ab ADRIANO ROMA-
NO Mathematico celeberrimo. Quæ verò ab illo percepì
LECTOR, ea te diutiùs celare nolui. Accipies itaq; liben-
ter, et si ad Vranie penetrabilia peruenir ecupis, alas quibus in
cælum euoles veras, firmas, non ceratas tibi comparabis: vt
Mathematicis Musis, non passerè, non gallum, non capram,
sed $\epsilon\chi\alpha\tau\ \omicron\mu\epsilon\lambda\omega$, vt Pythagoras, immolare possis. Vale.

585499 - 585500

I

I

JOANNES BROSCIVS
Curzelouiensis

Clarissimo D. ADRIANO S. D.



Apientia maiestas ea est, ut suos cultores quos sola etiam fama cognouimus admiremur, & quamuis nunquam visos animo tamen, qui locorum legibus non teneatur, quasi praesentes complectamur. Id sanè mihi quoque in te virorum clarissime suspiciendo & amando, sorte quadã diuina obtigisse video: cuius enim nomẽ solum eruditionis gloria sat augustum inaudiui, statim eum erga animi cultum & amorem concepi, ut licet vultum cernere his oculis necdum licuerit, ingenium tamen tuum Mathematica laude clarissimum, ita subinde amplectar, & literas illas reconditas exosculer: ut felicem me fore sentiam, si amicitia tua tesseram nactus, quod erga te studium concepi, prolixissima etiam voluntatis significatione contestari possim. Cuius rei primum veluti argumentum, has ad te meas literas esse volui: ex quibus intelligeres te, cum ex multorum doctorum & magnorum virorum sermonibus, tum ex librorum quoque monumentis, partim per te editis, partim augusto nomini tuo consecratis, à me non solum amari, sed

EPISTOLA IO: BROSCII.

etiam honorari plurimum, virtutis & ingenii
 causa. Quæ duo apud Illustrem & Magnificum
 D. Thomam Zamoycki, Heroem antiquis illis iu-
 re merito comparandum, dignumq; magno illo
 parente filium, tantum effecerunt, ut dum supra
 ætatis etiam annos, vniuersum scientiarum or-
 bem lustrare animo constituisset, vel te potissi-
 mum delegerit, quo ceu mystagogo ad recondita
 mathematicum mysteria rimanda vteretur: &
 quem suum Coryphaum in illis Geometrarum
 doctis pulueribus emetiendis (qui suæ celsitudi-
 nis ardor in literas incredibilis est) ac si numen
 quoddam Euclideum sequeretur. Id postquam
 & ego Mathematicum ab ineunte ætate studiosus
 didici, dictu sane est incredibile, quantam animo
 conceperim latitiam: idq; eo magis quod sperem
 te sub hoc frigidioris cælo viuentem, ingenio tuo
 patriam nostram illustrare, literisq; tuis, ac præ-
 claris illis in Geometria conatibus, Reipublica
 nostræ fructus vberrimos afferre posse. Quo fit,
 ut ex animo tibi gratuler, ac Deum Opt: Max:
 rogatum velim; faxit ille sapientia parens, ut
 postquam præclarissimo Heroi Zamoscio regiam
 illam ad Geometria usum viam, quam Ptoleme-
 us in Euclide requirebat, digito quasi monstra-
 ueris, nostræ Nobilitatis animos excites ad exer-
 cendum hæc studia, Regibus olim magnisq; Dy-
 nastis

EPISTOLA IO: BROSCII.

*nastis in deliciis habita. Putant enim nonnulli
 subtilitatem potius in præceptionibus Geometri-
 cis quàm utilitatem reperiri, & propterea in A-
 cademiis ieiunas tantùm præceptiones doceri fal-
 so autumant. At Græci olim reconditum illud
 de duplicando cubo Deliacum problema, ad Aca-
 demiam Platonis detulerunt, indeq; non demon-
 strationem tantùm, sed demonstrationis etiam u-
 tilitatem retulerunt. Quamobrem Euclidem cū
 Archimede, hoc est, artis veritatem cum utilita-
 te nostris relinquito; fuerit hoc ære perennius tui
 ingenij apud nostræ gentis homines monumentū:
 nos verò Adrianum Romanum, ceu quendam
 Platona venerabimur, quòd apud Sarmatas eti-
 am Geometria lucem ex suo addiderit. Sed illud
 quoq; haud leue est quod à te impetratum velim:
 potes enim pro tua singulari prudentia & hu-
 manitate id efficere. Contentio illa magna inter
 duos præstantissimos Mathematicos, Origanum
 & Maginum, te nō latet. At quantula res de qua
 digladiatur? Possæt hæc controuersia tota breuif-
 simè aliquot verbis ex Ptolemæo & Copernico
 facta collatione desiniri, nunc volumine singulis
 opus est, ut suam sententiam probent. Obsecro
 te mi Adriane, propone tibi istud negotii, ut ad
 utrumq; scribas, utriusq; arbiter esse velis: indi-
 gnum enim est Mathematicos tam præstantes, de*

EPISTOLA IO: BROSCII.

re tam exigua contendere. *Ætate patrum nostrorum fuerunt multi præstantissimi Mathematici, qui coniunctissimè vixerunt: cur non & illi? quàm iucundum est legere raram illorum coniunctionem Purbachij & Regiomontani, præceptoris & discipuli! At Regiomontanus præceptoris sui candorem imitatus est, nam Bernardo Valthero ciui Norimbergensi ceu Mathematicum legitimo successori, totam suam supelletillem Mathematicam testamento legauit. Quid Copernicum, Vernerum, Rheticum, Rheinhodum commemorem? quid Tychonem & Rothmannum? quid alios plurimos? quorū animos quantumuis locis disitis, eadem studia coniunxerunt: neq; illa studiorum amulatio vnquam ad animorum contentionem degenerauit. Mathematica abstractio mentem totam occupans, linguam illis adimebat. Ergo quantum potes contende, vt abiecto hoc contentionum studio, Mathematicum potius puluerem exerceant: nam ἀγνώμητος πυτο certitudinem omnem Mathematicam in dubium vocabunt, vbi viderint ipsos etiam artifices secum non conuenire. Est & aliud quod tanto libentius tibi propono, quanto certior sum ex Sneliana præfatione, te Logicæ Methodi studiosissimum esse: neque dubito gratum hoc tibi futurum: omnes enim Philosophico animo præditi, libenter*

EPISTOLA IO: BROSCII.

libenter alios docent, præsertim cùm agitur de præceptorum certitudine. P. Ramus lib: 4. suæ Geometriæ ex antiquissimorum Geometrarum sententia proposuit hoc elementum: Ex Isoperimetris homogeneis ordinatius est maius, ex heterogeneis ordinatis terminatius: in explicatione autem elementi addit; ordinatius in theoremate intelligatur pro minus inordinato: sic triangulum æquilaterum erit maius isoperimetro inæquilatero, & æquicrurum vario. Atqui hoc posterius non est καὶ θὰ παντός: nam si proponantur duo trian- gula, quorum unum æquicrurum habeat latera 10. 20. 20. alterum verò varium 19. 20. 11. ma- nifestum est per Geodesiam trianguli hoc maia- rem capacitã habere, nimirum $102. \frac{96}{205}$. quàm illud licet sit æquicrurum; habet enim tantum $96. \frac{152}{193}$. Addendum est itaq; aliquid theoremati, ut sit καὶ ὁ λγ πρῶτον. Quamobrem quæ sit tua in hoc theoremate sententia, mihi perscribas quæ- so, gratius hoc studioso Mathematicum, nihil face- re poteris. Sed iam epistola genius non fert, ut te alloquar longius: hac amorem & honorem in te meum apud te quæso pro me loquatur, quan- do id tibi coram, vultu, oculis, lingua, officio quoq; dum Cracoviæ apud nos esses, testari non licuit. Tu amantem si amaveris Mathematicasq; illas

EPISTOLA IO: BROSCII.

illas musas (quod per communem earum salutem oro) ut feliciter hactenus faciebas colueris, excitabis plurimos unà mecum nostri ordinis homines, ad te magis ac magis amandum, addes quoq; animum maiorem ad Diuas hasce Mathematici studii prasides indefesso animo colendas, ex quibus iam te non dubia immortalis premij gloria manet. Quod reliquum est, vale ac vive ibi feliciter, nostri ꝛꝛ Zamoscio sis ô utinam alter Archimedes. Crac: 1. Octob. 1610.

ADRIANVS ROMANVS
IOANNI BROSCIO S. P.

ANte aliquot menses tuas accepi literas
omni humanitate refertas, ad quas ta-
men prout deceuit non respondi: cau-
sam facile intelliges. Professio gemina me totum
occupat, cumq; omni librorum destituar subsidio,
necessum est studio id compensare. Accedit Ho-
rarum Ecclesiasticarum recitatio, debilitasq; va-
letudinis; qua me toto pomeridiano tempore ab
omni auertit studio. De hisce satis.

Duo potissimum à me petis; prius est, ut litem
eam qua inter Origanum & Maginum est com-
ponam; alterum est, ut dubium circa Rami the-
orema soluam.

Quod ad prius attinet. Inprimis ego me suffi-
cientem minimè iudico, ad litem inter eos excita-
tam componendam. Viri namq; ij toto vita tem-
pore in secundis sese exercuerunt motibus; ego
verò qui nihil illis secundis motibus incertius iu-
dico, ab ijs abstinere & certioribus rebus me da-
re, interim illorum qui hisce delectantur frui la-
boribus statui. Accedit quòd dubitem an lis sit
componenda. Etenim ubi amulatio, ibi dili-
gentia. Et certè Origani censura non parum pro-
fuit, cum aliàs nunquam Maginus suos licèt
B leuiuscu-

EPISTOLA ADRI: ROM.

leuiusculos animaduertisset errores; uti & vice-
 uersa censura Magini nobis exhibuit correctio-
 nem errorum supputationis Origani. Contentio
 ubique artes promouet; quod in Astronomia, po-
 tissimum verò in secundis motibus quàm maxi-
 mè requiritur.

Quod ad alterum caput attinet: D. V. rectè
 Ramum accusat, non quidem in theoremate, sed
 in explicatione.

Theorema hoc est. Ex Isoperimetris homo-
 geneis ordinatius est maius. *Id bene.* In expli-
 catione inquit; Ordinatius in theoremate intel-
 ligatur pro minus inordinato. *Id bene.* Sic tri-
 angulum æquilaterum erit maius Isoperimetro
 inæquilatero. *Id bene.* Et æquicrurum vario. *Id*
male. Si ergo textus ita habeat (ego enim hîc
 nullos habeo libros) nullo excusari potest modo.
 Varium enim plerumq; ordinatius est Isoscele.
 Quid igitur per ordinatius aut minus inordina-
 tum sit intelligendum, id apertius definiendum
 erat Ramo. Quare ordinatorum dabo proprie-
 tates, ex quibus id facile poterit declarari.

I. Figurarum illa est magis ordinata, cuius
 maximum latus ad laterum differentiam maxi-
 mam, rationem habet maiorem. Item, maximus
 angulus ad differentiam angulorum maximam,
 rationem habet maiorem, adeò, ut si rationem
 habeat

EPISTOLA ADRI: ROM.

habeat infinitam, ea sit absolutè ordinata.

2. Figurarum illa est magis ordinata, cuius perimeter circulo circumscripta ad radium circuli, minorem habet rationem. Hac conditio vera quidem est, sed non ita vniuersalis; neq; enim omnis figura est circulo circumscriptibilis: Si tamen circumscriptionem lato modo accipere velimus, ita ut non sit necessarium omnia latera tangere; iudicauero statui posse vniuersalem.

Sed priorem descriptionem accommodemus Isoperimetris. Dico ergo secundum Ramum. Ex duobus Isoperimetris homogeneis id quod est ordinatius (hoc est cuius maximū latus ad maximam laterum differentiā, maximusq; angulus ad maximam angulorum differentiam rationem habet maiorem) id etiam esse maius.

Vides ergo ordinatius esse non est duo latera habere æqualia, vel omnia habere inæqualia, sed excessus laterū & angulorum spectandi sunt. Examinemus iam triangula à D. V. proposita. Esto Isosceles cuius latera 10. 20. 20. Esto scalenum in quo latera 19. 20. 11. In priori ratio lateris maximi ad differentiam maximam est 20. ad 10. in altero est ut 20. ad 9. Ratio hæc posterior est maior, ergo triangulum posterius est ordinatius.

Verum sumamus & alia exempla, in quibus

EPISTOLA ADRI: ROM.

servata aequalitate angulorum, spectemus inaequalitatem laterum, vel contra servata aequalitate laterum, spectemus inaequalitatem angulorum. Id in triangulis, ut patet, fieri non potest. Sumamus ergo sexangula.

Sunt sexangula equiangula, quorum perimenter partium sex.

Quibus vero latera alternati in supra sint aequalia atq; adproximum habeant rationem quam	<table border="0"> <tr><td>1. ad 1.</td></tr> <tr><td>5. ad 4.</td></tr> <tr><td>4. ad 3.</td></tr> <tr><td>3. ad 2.</td></tr> <tr><td>2. ad 1.</td></tr> </table>	1. ad 1.	5. ad 4.	4. ad 3.	3. ad 2.	2. ad 1.	Tunc latus maximū ad maximum differentia laterum est.	<table border="0"> <tr><td>infin.</td></tr> <tr><td>5. ad 1.</td></tr> <tr><td>4. ad 1.</td></tr> <tr><td>3. ad 1.</td></tr> <tr><td>2. ad 1.</td></tr> </table>	infin.	5. ad 1.	4. ad 1.	3. ad 1.	2. ad 1.	<table border="0"> <tr><td>primum.</td></tr> <tr><td>secundū.</td></tr> <tr><td>tertium.</td></tr> <tr><td>quartū.</td></tr> <tr><td>quintū.</td></tr> </table>	primum.	secundū.	tertium.	quartū.	quintū.
		1. ad 1.																	
		5. ad 4.																	
		4. ad 3.																	
		3. ad 2.																	
2. ad 1.																			
infin.																			
5. ad 1.																			
4. ad 1.																			
3. ad 1.																			
2. ad 1.																			
primum.																			
secundū.																			
tertium.																			
quartū.																			
quintū.																			

Vnde patet primum sexangulum esse absolute ordinatum, ultimum valde inordinatum, intermedia vero ordine ab ordinato deflectere magis magisque. Vnde etiam area eodem se habet modo. Etenim.

Area Sexanguli	<table border="0"> <tr><td>Primi</td></tr> <tr><td>Secundi</td></tr> <tr><td>Tertii</td></tr> <tr><td>Quarti</td></tr> <tr><td>Quinti</td></tr> </table>	Primi	Secundi	Tertii	Quarti	Quinti	} est partium	<table border="0"> <tr><td>2.</td><td>5980.</td></tr> <tr><td></td><td>10000.</td></tr> <tr><td>2.</td><td>5873.</td></tr> <tr><td></td><td>10000.</td></tr> <tr><td>2.</td><td>5803.</td></tr> <tr><td></td><td>10000.</td></tr> <tr><td>2.</td><td>5634.</td></tr> <tr><td></td><td>10000.</td></tr> <tr><td>2.</td><td>5020.</td></tr> <tr><td></td><td>10000.</td></tr> </table>	2.	5980.		10000.	2.	5873.		10000.	2.	5803.		10000.	2.	5634.		10000.	2.	5020.		10000.
		Primi																										
		Secundi																										
		Tertii																										
		Quarti																										
Quinti																												
2.	5980.																											
	10000.																											
2.	5873.																											
	10000.																											
2.	5803.																											
	10000.																											
2.	5634.																											
	10000.																											
2.	5020.																											
	10000.																											

Apparet hic areas continuo decrescere.

Sunt iam sexangula aequilatera, quorum perimenter partium sex.

Anguli

EPISTOLA ADRI: ROM.

Anguli porrò quivis alternatim süpti ad sibi proximos ratio- nem habeant quam	<table style="border: none;"> <tr><td style="border: none;">1. ad 1.</td><td style="border: none;">}</td></tr> <tr><td style="border: none;">7. ad 3.</td><td style="border: none;">}</td></tr> <tr><td style="border: none;">2. ad 1.</td><td style="border: none;">}</td></tr> <tr><td style="border: none;">11. ad 4.</td><td style="border: none;">}</td></tr> </table>	1. ad 1.	}	7. ad 3.	}	2. ad 1.	}	11. ad 4.	}	Tunc Angulus maximè ad ma- ximã differenti- am angulorũ est	<table style="border: none;"> <tr><td style="border: none;">infinít.</td><td style="border: none;">}</td></tr> <tr><td style="border: none;">7. ad 2.</td><td style="border: none;">}</td></tr> <tr><td style="border: none;">2. ad 1.</td><td style="border: none;">}</td></tr> <tr><td style="border: none;">11. ad 7.</td><td style="border: none;">}</td></tr> </table>	infinít.	}	7. ad 2.	}	2. ad 1.	}	11. ad 7.	}
1. ad 1.	}																		
7. ad 3.	}																		
2. ad 1.	}																		
11. ad 4.	}																		
infinít.	}																		
7. ad 2.	}																		
2. ad 1.	}																		
11. ad 7.	}																		

} Primũ.
} Secũdũ.
} Tertĩũ.
} Quartũ.

Area sexanguli	Primi.	} est par- } tium.	2. 5980.
	Secundi.		10000.
	Tertij.		2. 4936.
	Quarti.		10000.

Haecenus lusivus in figuris quæ vno membri genere ordinatae sunt, si liberet proponere figuras utroque genere membrorum inordinatas, maius adhuc perciperetur discrimen. Quinimò si non alternatim angulos vel latera statuamus in ratione equalitatis, maximum inueniemus area decrementum, uti apparet in sexangulo subscripto æquilatèro parallelogrammo, cuius perimeter esto partium 6. Anguli verò obtusi ad acutos rationem habeant quam 19. ad 2. Sed iam lusum est satis. Ex hisce veritatem propositionis colliges satis. De reliquo ego me meaq; omnia D. V. commendo.

Iucundissimam postea Clarissimi Domini ADRIANI ROMANI Cracoviae dierum aliquot consuetudinem nactus sum; ideoq; sequens Epistola, precedentis nullam facit mentionem.

IOAN.

— 33 —

J O A N N E S B R O S C I V S
A D R I A N O R O M A N O S. P.

Hæc accidit ut iam currum conscenderet qui has reddit, dum mihi nunciatur esse quendam qui Zamoscium proficiscitur: ego tamen nolui illum absq; meis ad Clarissimam Dominationem Tuam venire. Quoniam itaq; ut Poëta inquit.

Prospera lux oritur linguisq; animisq; fauete :
Nunc dicenda bono sunt bona verba die.

Ego quoque sub anni istius noui principium precor, ut Deus opt: max. nobis diu incolumem clarissimam T. D. seruet. Hoc præcipuum votorum mihi erit semper, dum Mathematica studia tracto, tractabo autem dum viuam: ad que feliciter tractanda magna adiumento mihi fuit clarissima T. D. Viam enim indicasse maximus profectus est. Arithmetica illam, cum fractionibus, que vulgari numeratione citra tedium absoluuntur, iam plenè didici, ut radicum etiam extractions mihi iam familiares fecerim. In Algebra multum more facit varietas denominationis numerorum figuratorum, sed hos scopulos labor, si Deus permiserit, superabit. Illud admirandum est, in numeris figuratis multas dimensiones fingi, cum natura tres tantum admittat,

EPISTOLA IO: BROSCII.

admittat: memini autem quoddam Clarissime
 D. T. dictum de denominationibus omnibus fi-
 guratorum reuocatis ad radicem, quadratum, cu-
 bum, quod magnum esset compendium. Et Bu-
 teo simile quiddam tentauit, verum non admo-
 dum plena tractatio est, docet enim quid produ-
 catur ex multiplicatione lineæ in quadratum, nõ
 docet quid proueniat ex multiplicatione quadra-
 ti vel cubi in quadratum vel cubum. De trian-
 gulis Lansbergi semper in manu habeo, ita præ-
 bis quæ nunc suasu Clariss: D. T. tracto, priora il-
 la, quibus tot annos insumpsi, videntur apina, tri-
 ca. Vellem autem quamprimum videre Trian-
 gulorum doctrinam Clariss: D. T. Nam quod
 ille de suo Mecenate dixerat, ego de Adriano meo
 præceptore:

Et spes & ratio studiorum in Cæsare tantum.

EVIDAM S. P.

EGO verò IUSTI LIPSI de ADRIA-
 NO ROMANO iudicium Excellentia
 Tue mitto, quod si placet ostendat ijs, qui re nõ
 bene perspecta iudicant. At etiamsi tantum elo-
 gium, tantus vir, de tanto Mathematico nunquã
 scripsisset, iudicasset posteritas è scriptis, neq;
 ingenium neq; industriam in Geometrico puluere
 Romano defuisse. Et certè pudor sit istis iudi-
 cibus,

IUSTI LIPSI CAR.

cibus, de illius ingenio iudicare, cuius opera nunquam legerint, ac ne viderint quidem. Valeat.


IUSTVS LIPSIVS,
ADRIANO ROMANO.

ROMANE ingenio potens & arte,
Mensurator itēq; calculator,
Euclides cui vix vel Archimedes
Se componeret: euge, te beatum
His nouis simul & laboriosis
Inuentis: quibus & queas arenę
Metiri cumulos, & astra cęli;
Et quidquid numeros fugit modosq;
Sub tuos numeros voces modosque.
O mens ignea perge, teque tolle
Fame pennigero leuata curru
En priscos super & super nouellos.

E Methodo Polygonorum.



2. 441. 11. D.



naturę de Dieta Brosciana. Epistolę
1675.

IOANNES BROSCIVS CVRZE-
LOVIENSIS, ACADEMIÆ CRA-
COUIEN. Ordinarius Astrologus.
Lectori S.

Reverendus Dominus IOANNES RYB-
KOVVICZ, Collega Maior in Academia
Cracoviensi, pro suo in me artesq; Mathematicas
amore, dedit mihi perlegēdas Reuereudissimi D.
Tidemani Gisii Episcopi Varmien. epistolas, qua-
rum plurimę ad Copernicum absolute subtilita-
tis Mathematicum sunt exarata. Legi auidē,
vnamq; reperi plenam querimoniam, propter opus
Reuolutionum, prima editione mala fide publi-
catū. Eam nunc Lector accipe: alias Frueburgo
reuersus, si Deus vitam concesserit, dabo. Vale.

Georgio Donnero.

Conturbauit me, quod de afflictā valetudi-
ne Venerabilis senis nostri Copernici scripsi-
sti. Huic vt vita incolumi solitudinem amauit,
ita nunc agroto paucos extare familiares arbi-
tror, qui casibus ipsius afficiantur, cum omnes si-
mus illi propter integritatem & excellentem do-
ctrinā debitores. Scio autē eum semper in fidis-
simis habuisse te. Oro igitur, si ita fert fortuna
illius; velis tutoris ei esse loco, & curam viri,
quem mecum semper amauisti, suscipere, ne in
hac necessitate destituatur fraterna ope, & nos
ingrati erga bene merentem habeamur. Vale.
Lubavia die 8. Decemb. Anno 1542.

D

Ioachi.

Ioachimo Rhetico.

EX nuptiis Regiis Cracovia rediens, reperi Lubauia geminum à te missum exemplum recens excusi operis nostri Copernici, quem è viuis excessisse, non ante acceperam quàm Prussiam attigissem Erepti fratris viri summi dolorem, lectione libri qui illum redhibere mihi viuum videbatur pensare potuissem, verum in primo limine sensi malam fidem, ac ut tu verè appellas, impietatem Petreij, quæ indignatione mihi priore maiestitia atrociorum refudit. Quis enim non scrutietur ad tantum sub bonæ fidei securitate admissum flagitium? Quod tamen haud scio an non tam huic excusori ex aliorum industria pendenti sit tribuendum, quàm inuidio cuiuspiam, qui dolens decedendum sibi esse à pristina professione, si hic liber famam sit consecutus, illius simplicitate in deroganda operi fide forsitan est abusus. Ne tamen impune ferret, qui se concessit alienæ fraudi corrupendum, scripsi ad Senatum Noribergensem, docens quid ad integrandam auctori fidem necessarium mihi videretur. Epistolam ad te mitto cum ipsius exemplo, ut pro re nata diiudicare queas, quem in modum sit instituendum negotium, nam hoc qui apud Senatum illum agat, te neminem video accommodiorem aut etiam volentiorum, qui Choraqui egisti peractæ fabula, ut iam non magis Auctoris interesse videatur quàm tua, restitui quæ à recto dilapsa sunt. Si quid tamen refert, te ut
id quam

id quam diligētissimè efficias vehementer rogo.
Si recudendæ venient priores charta, affigenda
videtur à te præfatiuncula, qua etiam ea qua
iam emissa sunt exemplaria à calumniæ vicio
repurgentur. Quin optem etiam præmitti vi-
tam Authoris, quam à te eleganter scriptam o-
lim legi, nec deesse historiae aliud puto nisi exitum
vitæ, quem ex sanguinis profluvio & sub-
secuta dextri lateris paralyti nono Kalen: Iunij
accepit, multis ante diebus memoria & vigore
mentis destitutus, nec opus suum integrum nisi
in extremo spiritu vidit, eo quo decessit die. Id
ante mortem excusum exiisse nihil obstabit, nã
annus consentit, & diem finiti operis non adscri-
psit excusor. Vellem adnecti quoq; opusculum
tuum, quo à sacrarum scripturarum dissidentia
aptissimè vindicasti telluris motum. Ita explebis
iusti voluminis magnitudinem, & compensabis
id quoque incommodi, quo in præfatione operis
præceptor tuus tui mentionem omisit. Quod e-
go non tui neglectu, sed lentitudine & incuria
quadam (ut erat ad omnia quæ Philosophica nõ
essent minus attentus) præsertim iã languescen-
ti euenisse interpretor, non ignarus quãti facere
solitus fuerit tuam in se adiuvando operam &
felicitatem. Quod ad me misisti operis exempla,
magnam habeo donatori gratiam, erunt hæc
mibi monumenti perpetui loco ad tuendam me-
moriã, non solùm authoris, quem ego charum
semper habui, sed etiam tui, qui ut te illi labo-

ranti Theſeum ſtrenuè præſiteras, ita nunc nobis, ne conſecti operis fructu careremus, cura & ſolicitudine tua contuliſti. Pro quo ſtudio tuo quantum tibi debeamus omnes, non eſt obſcurū. Cupio me facias certiore, ſitné ſummo Pontifici liber miſſus, nam ſi factum non eſt, vellem ego id officium præſtare deſuncto. Vale. Lubania die xxvj. Julij. Anno 1543.

EPISTOLA DEDICATORIA
ex Iudicio Astrologico Alberti
Caprini Buccouienſis deſumpta.

*Reuerendiſſimo in Chriſto Patri
& Domino,*

DOMINO SAMVELI MACIE-
IOVSKI, DEI GRATIA EPISCO-
po Plocen. ac Procancellario Regni Po-
loniæ, Domino & Mecœnati ſtudi-
oſorum Benigniſſimo.

*Albertus Caprinus Buccouienſis, humiliter
ſeſe commendat.*

T*Vam illam ſummam Reuerendiſſime Anti-
ſtes in rebus perſpiciendis prudentiam, &
moderandis æquitatem & agendis industriam,
cum maximis omnis generis ornamentis coniun-
ctam, nunc publicè tantò impenſius extollo atq;
veneror, quanto ad merita illa tua amplitudi-
nis maior indies authoritatis acceſſio increſcit
augeturque. Rex enim Sereniſſimus atque
inuidiſ-*

inuidiosissimus Princeps pro sua praecleara prudentia, & absolutissima rerum experientia iudicioq; non contentus ad id muneris Reipublicae Reuerendam Paternitatem tuam magna cum laude honoreq; ipsius euehere, in quo rerum summa & totius Regni cardo vertitur: nouis subinde, usq; maximis Celsitudinem tuam ornat honoribus, quo magis omnibus spectatam reddat, excellentem tuam virtutem & in Rempublicam fidem. Itaq; nemo est amplissime Praesul, qui nesciat honores istos virtutis tuae esse premia dignissima. Nemo item est qui non istas virtutes, merito amet suspiciat atq; veneretur, praesertim cum intelligamus omnes ad communem Reipub. utilitatem dignitates istas in tuam collatas amplitudinem ex aequo pertinere. Quare cum & ego, haec nostra in quibus versamur studia: aliquantulam Reipub. esse partem censeam: & me ipsum quoq; Celsitudini tuae & insinuatum & deditum ostendere vellem: quod unum per fortunae modulum potui, leuidentense hoc munusculum, impar quidem magnitudini tuae, sed non ingratum ut arbitror, studiorum meorum primitias, Prognosticon nempe seu iudicium ex stellarum decretis appellare libet, tibi nuncupandum duxi Praesul Ornatissime quo animi mei promptitudinem & alacritatem erga tuam prudentiam interim testarer. Utinam autem facultate id possem, quam voluntate facio certè promptissima. Quare tua prudentia me & hoc genus ar-

tium fauore & patrocínio tueri dignetur oro.
Quo Cracouia nullum habet ornamentum præ-
stantius: hæc enim vrbs fouit viros summis in-
genijs præditos qui has disciplinas tum propaga-
runt, tum illustrarunt, quorum multi hisce tem-
poribus satis iniquis decesserunt. Ex hoc enim
Gymnasio multi Mathemata hausserunt qui in
Germania magna cū laude & emolumento stu-
diosorum eadem profitentur, quorum honoris
gratia, nomino Nicolaum Copernicum Canoni-
cum Varmiensẽ qui huius vrbs olim hospiti-
tio vsus est, & hæc quæ scripsit in rebus Mathe-
maticis admiranda, plura etiam edenda institu-
it, ex hac nostra Vniuersitate ceu ex fonte pri-
mum accepit. Id quod ipse non solum non diffite-
tur (benignum esse & plenum ingenui pudoris
Iudicio Pliniano existimans, profiteri per quos
profeceris) verum hoc quicquid est totum no-
stræ fert acceptum Academia. Dominus igitur
Iesus diu te nobis seruet incolumem. Cracouia
27. Septemb. Anno Christi 1542.



IN PTOLEMÆVM ET CO-
pernicum duo naturæ miracula,

IOANNIS BROSCII CVRZELOVI-
fis Epigramma,

Frueburgo loco obseruationum Co-
pernici consecratum.

Nile tuum iactas Ptolemeum, nosq; fatemur
Ornamenta tibi hunc magna dedisse virum.
Nam tua Syntaxim construxit ad ostia magnam
Cœlestes numeris exposuitq; vias.
Laude Copernici qui Vistulae ad ostia terram
Mouit, adequat se Vistula Nile tibi.
Sume paris socium laudis, quid Nile recusas
Si, quò te iactas, iam Ptolemeus habet ?

Aliud eiusdem argumenti.

Nile quid ob Dium Ptolemeum despicis omnes
Terra patens fluvios quòt modo cunq; gerit ?
Nam mea cœlestis Ptolemeus ad ostia (dicis)
Magne Syntaxis grande parauit opus.
Ast ò Nile tuæ compar iam laudis habetur
Istula, quæ septem fusa trione fluit.
Huius enim ad riuum mens illa, Copernicus, alta
Immotam ad numerum currere fecit humum.
Quod si te nomen Ptolemei detinet : istum
Si bene peruideas, fors Ptolemeus erit.

Coper-

Copernicus de seipso.


ME genuit Torunna, Cracouia me arte polius,
Inter habet primos Varmia clara patres.


Cyclo Lunæ 4. Solis 3. Indict: 1.


ergo anno 1618





Faint handwritten text in red ink, possibly a signature or date, located at the bottom of the page.




















Biblioteka Jagiellońska



stdr0034526

